

名醫方論

名醫方論卷二

新安羅東逸先生評定

慈水柯韻伯先生叅閱

小半夏湯 三方合論一條

嘔家本渴渴爲欲解今反不渴心下有支飲故也

半夏一升 生薑半觔 以水七升煮取一升半分溫再服

小半夏加茯苓湯

治卒嘔吐心下痞悶間有水眩悸者

半夏一升 生薑半觔 茯苓三兩 煎服如前

外臺茯苓飲

治心胸中有痰飲宿水。自吐出水。復心胸間虛。氣滿不能食。消痰氣。令能食。

茯苓

人參

白朮 各二兩

枳實 二兩

橘皮 二兩半

生薑

四兩

右六味水六升。煮取一升。分三服。如人行八九里。再進之。

趙以德曰。嘔爲痰飲動中湧而出之。嘔盡本當渴。渴則可徵。支飲之全去。今反不渴。是其飲尚留。去之未盡也。用半

夏之辛溫生薑之辛散散其欲出之飲則所蓄之邪自盡矣。半夏生薑皆味辛可治膈上痰心下堅嘔逆目眩然悸必心受水凌必加茯苓以去水伐腎邪安心神也。後方加人參枳實橘皮此由上中二焦氣弱水飲入胃脾不能輸歸於肺肺不能通調水道以致停積爲痰爲宿水吐之則下氣因而上逆是爲虛氣滿不能食當補益中氣以人參白朮爲君茯苓逐宿水枳實調諸氣爲臣開脾胃宣揚上焦發散凝滯則陳皮生薑爲使也。其積飲旣去而虛氣壅滿其中不能進食此症最多。

瀉白散

治肺氣熱盛咳嗽而喘而腫身熱

桑白皮

地骨皮

甘草

水煎服

季楚重曰經云肺苦氣上逆上逆則上焦鬱熱氣鬱生涎火鬱生熱因而治節不行壅甚爲喘滿腫嗽瀉白者正金之令驅氣之逆非劫金而瀉之也法使金清則氣肅桑根白皮稟西方燥金之氣甘辛能入肺而瀉氣之有餘地骨皮涼平調不足之陰能清陰中之火滋腎子以清母甘草益土和中且生能瀉火補土母以食子瀉補交致金亢自

正於以佐桑皮而行諸氣之憤鬱鮮不達矣較之黃芩知
毋苦寒傷胃者遠也夫火熱傷氣收肺之治有三傷寒邪
熱傷肺用白虎湯除煩此治其標內症虛火燥陰用生脉
散益陰此治其本若夫正氣不傷鬱火又甚則瀉白散之
清肺調中標本兼治又補二方之不及也

地骨皮飲

治陰虛火旺骨蒸發熱日靜夜劇者婦人熱入血室胎前發熱者

四物湯加

地骨皮

牡丹皮

各二錢

水煎服

柯韻伯曰陰虛者陽必湊之故熱仲景曰陰弱則發熱陽氣下陷入陰中必發熱然當分三陰而治之陽邪陷入太陰脾部當補中益氣以升舉之清陽復位而火自熄也若陷入少陰腎部當六味地黃丸以對待之壯水之主而火自平也陷入厥陰肝部當地骨皮飲以涼補之血有所藏

而○火○自○安○也○。四○物○湯○爲○肝○家○滋○陰○調○血○之○劑○。加○地○骨○皮○清○志○中○之○火○以○安○腎○。補○其○母○也○。加○牡○丹○皮○清○神○中○之○火○以○涼○心○。瀉○其○子○也○。二○皮○涼○而○不○潤○。但○清○肝○火○不○傷○脾○胃○。與○四○物○加○知○柏○之○濕○潤○而○苦○寒○者○不○同○矣○。故○逍○遙○散○治○肝○火○之○鬱○於○本○藏○者○也○。木○鬱○達○之○順○其○性○也○。骨○皮○飲○治○陽○邪○之○陷○於○肝○臟○也○。客○者○除○之○勿○縱○寇○以○遺○患○也○。二○方○皆○肝○家○得○力○之○劑○。

升陽益胃湯

治脾胃虛怠。情嗜卧。四肢不收。時值溼熱。體重節痛。口乾舌燥。飲食無味。大便不調。小便頻數。食不消。兼見辨病。灑淅惡寒。慘慘不樂。面色不和。

羌活

獨活

防風

柴胡

人參

白朮

茯苓

甘草

黃芪

白芍

半夏

黃連

澤瀉

陳皮

水煎服

吳鶴臯曰。脾土虛弱。不能制溼。故體重節痛。不能運化。精微。故口乾無味。中氣既弱。傳化失宜。故大便不調。小便頻。

數也。灑淅惡寒、肺弱表虛也。面色不樂、陽氣不伸也。是方
半夏、白朮能燥溼、茯苓澤瀉滲之二、活防風、柴胡能升舉
清陽之氣、黃連療溼熱、陳皮平胃氣、參、芪、甘草以益胃、白
芍、酸收用以和榮而協羌防、柴胡辛散之性。蓋古人用辛
散必用酸收所以防其峻厲猶兵家之節制也。

清脾飲

治痰積成瘧

青皮

厚朴

草果

半夏

柴胡

白朮

甘草

茯苓

黃芩

水煎服

柯韻伯曰、瘧爲少陽病、治分六經、邪留於募原有遠近之殊、其發有虛實先後之異、而此湯之治瘧、實以痰積名之、清脾者、究其因而治其本也、先喆云、無痰不成瘧、無積不成瘧、是脾爲生痰之源、而積之不磨者、亦因脾之不運也、胃主內、脾主消、而胃爲脾之表、凡欲清脾、必先平胃、青皮

厚朴草菓皆氣味兼厚之品。取以倒陽明之倉。正以利太陰之輸也。然宿痰留結。更有藉於茯苓半夏之淡滲辛散。是恐竒之不去。則耦之所以攻脾之實者。平胃除痰。每相須耳。積因於寒。痰因於熱。是寒熱往來。爲瘧之標。而實爲痰積之本矣。必用苓柴以清之。更合於少陽之治。然此爲土中瀉火。不是直攻少陽。乃清脾之義也。火土平而無以善其後。則瘧之因實而成者。未免因虛而劇。甘朮之必須。又防微杜漸法耳。

溫膽湯

治熱嘔吐苦虛煩驚悸不眠痰氣上逆

竹茹

枳實

半夏

甘草

陳皮

生薑

右六味水煎服

羅東逸曰膽爲中正之官清靜之府喜寧謚惡煩擾喜柔和。不喜壅鬱。蓋東方木德少陽溫和之氣也。若大病後或久病或寒熱甫退。胸膈之餘熱未盡。必致傷少陽之和氣。以故虛煩驚悸者。中正之官以病蒸而不寧也。熱嘔吐苦者。清靜之府以鬱炙而不謚也。痰氣上逆者。土家溼熱友。

乘而木不得升也。如是者，首當清熱及解利三焦。方中以竹茹清胃脘之陽，而臣以甘草生薑調胃以安其正。佐以二陳，下以枳實，除三焦之痰壅，以茯苓平滲，致中焦之清氣。且以驅邪，且以養正。三焦平而少陽平，三焦正而少陽正。正膽家有不清寧而和者乎？和即溫也。溫之者，實涼之也。若膽家真畏寒而怯，屬命門之火衰，當與乙癸同源而治矣。

導赤散

治心熱小便黃赤莖中痛熱惡不通

生地黃

木通

甘草梢

右三味水煎服

李楚重曰經云兩精相搏謂之神是神也者待心中之真液腎中之真氣以養者也故心液下交而火自降腎氣上承而水自生。前賢以生脉救真液是治本不治標也。導赤散清邪火是治標以固本也。錢氏制此方意在制內丁之火必先合乙癸之治。生地黃涼而能補直入下焦培腎水。

之不足腎水足則心火自降。无慮肝木妄行能生火以助。
邪能制土以盜正。佐以甘草稍下行緩木之急。即以瀉心。
火之實。且治莖中痛。更用水通導小腸之滯。即以通心火。
之鬱。是一治兩得者也。瀉心湯用黃連。所以治實邪。實邪。
責木之有餘。瀉子以清房也。導赤散用地黃。所以治虛邪。
虛邪責水之不足。壯水以制火也。此方涼而能補。饒之用。
苦寒伐腎。傷其生氣者遠矣。

芍藥湯

治滯下赤白便膿血後重諸證

芍藥

當歸

黃連

檳榔

木香

甘草

桂枝

黃芩

每服半兩水煎服痢不減加土黃

羅東逸曰本方註云澁而便膿血知氣行而血止也行血則便膿自愈調氣則後重自除至今推爲要言然非知本之論也夫滯下本太陰病長夏令行土潤溽暑太陰本虛暑溼不攘土溼則水鬱木鬱則傷土太陰失健運少陽失

疏達及飲食失節不化至秋金收令行火用不宣鬱蒸之
久而滯下之症作矣是始爲暑傷氣繼爲氣傷血因而爲
白爲赤爲兼赤白下迫窘急腐穢不去以成後重方以芍
草爲君用甲已化土法先調脾卽於土中升木顧溼熱必
傷大腸黃連燥溼清熱厚腸胃黃芩清大腸火爲臣久積
必中氣逆滯疏滯以木香下逆以檳榔當歸和氣血爲佐
桂補命門實土毋反佐溫而行之恐芩連之勝令也斯少
陽達太陰運矣若大實痛者加大黃用仲景芍藥湯加大
黃法以蕩腐穢無留行矣是方尤爲滯下本方也

犀角地黃湯

主治吐衄便血婦人血崩赤淋

生犀角

生地黃

白芍藥

牡丹皮

右四味先用三物水煎去滓入生犀汁熱服

柯韻伯曰氣爲陽血爲陰陽密乃固陽盛則傷陰矣陰平陽秘陰虛者陽必湊之矣故氣有餘卽是火火入血室血不營經卽隨逆氣而妄行上升者出於口鼻下陷者出於二便雖有在經在府之分要皆心肝受熱所致也心爲營血之主心火旺則血不寧故用生犀生地酸鹹甘寒之味

以清君火。肝爲藏血之室。肝火旺則血不守。故用丹皮芍藥。辛酸微寒之品。以平相火。此方雖曰清火。而實滋陰之劑。蓋血失則陰虛。陰虛則無氣。故陰不足者。當補之以味。勿得反傷其氣也。若用芩連。膽早梔柏。以瀉其氣。則陽之劇者。苦從火化。陽已衰者。氣從舌發。燎原而飛越矣。

人參清肺湯

準繩 三方合論

治肺胃虛寒欬喘喘急坐卧不安並治久年勞嗽吐血
腥臭

人參

阿膠

骨皮

知母

烏梅

栗壳

炙草

杏仁

桑皮

等分

棗子

水煎服

人參定喘湯

準繩

治肺氣上逆喘嗽痰中有聲胸膈緊扁及感寒邪咳嗽
聲重

人參

麻黃

阿膠

五味

栗壳

甘草

半夏麴各一錢

桑皮二錢

生薑三片

水煎服

人參瀉肺湯

金匱

治肺經積熱上喘胸膈脹滿痰多大便澀

人參

黃芩

梔子

枳殼

薄荷

甘草

連翹

杏仁

桑皮

大黃

桔梗

水煎服

王又原曰經云邪之所湊其氣必虛又肺爲嬌藏其不堪破耗也明矣自肺熱傷肺之說行曰保肺補肺衆其譁之曰清肺瀉肺樂與和之豈知古人清肺瀉肺等湯而必皆以人參立名夫亦可曉然於肺氣之不可耗而人參之在

所必用也。肺體清而法天下濟而司降令一切渾濁不得
上干者。皆氣之徒能運行而不息也。若肺氣少弛則降下
失令渾濁之氣遂逆上行。此爲欬嗽爲喘急。肺葉脹舉胸
膈緊痛移熱大腸。大便艱澀種種顯有餘之象。實種種爲
不足之徵。故不問內傷外感爲熱爲寒。要以人參保定肺
氣爲主。或骨皮知母阿膠滋之。或烏梅五味黨棗斂之。
或半夏麴生薑降之。或杏仁桑皮枳殼桔梗利之。或梔子
黃芩連翹涼之。或麻黃薄荷發之。大黃下之。總恃人參之
大力握樞而運已入之邪易出而將來之邪無從入也。肺

邪○得○諸○藥○以○俱○出○而○肺○氣○不○隨○諸○藥○以○俱○出○也○然○則○人○參○
亦○何○常○傷○肺○乃○畏○而○不○敢○用○耶○

溫脾湯

本事方

主治錮冷在腸胃間泄瀉腹痛宜先取去然後調治不可畏虛以養病也

厚朴

乾薑

甘草

桂心

附子 各二兩

大黃

四錢

右咀咬取一兩水二鍾煎六分頓服

喻嘉言曰許叔微製此方深合仲景以溫藥下之之法其大黃止用四錢更爲有見夫錮冷在腸胃而泄瀉矣卽溫藥中寧敢用上黃之猛重困之乎減而五之一乃知叔微

之得於仲景深也。仲景云：病人舊微瀉者，梔子湯不可與服。又云：太陰病，脈弱，便利，設當行大黃，若藥者，宜減之。以其人胃氣弱，易動故也。卽是觀之腸胃，錮冷之泄瀉，而可恣用大黃耶？不用則溫藥必不能下，而久留之邪，非攻不去。多用則溫藥恐不能制，而洞下之勢，或至轉增。裁酌用之，真足法矣。

秦艽升麻湯

治風寒客胃口眼喎斜惡見風寒四肢拘急脉浮而緊

升麻

葛根

秦艽

上

白芷

上

防風

上

甘草

芍藥

人參

桂枝

葱白

右十味水煎服

李士材曰至哉坤元爲五藏之主木勝風淫則倉廩之官承制脾主四肢故痿痺也口爲土之外候眼爲木之外候故俱病也升麻白芷皆陽明本藥故用爲直入之兵人參桂枝固其衛氣芍藥秦艽和其營血防風卑賤之卒隨令

而行葱根發汗之需無微不至又藉甘草以和之而邪有不散者乎

二黃湯

治上焦火盛頭面大腫目赤腫痛心胸咽疾口舌耳鼻
熱盛及生瘡毒者

黃芩

黃連

甘草 各等分

水煎食後服

柯韻伯曰諸腫痞痛皆屬心火必用芩連以瀉心然傷寒
熱結於內而心下痞者是爲客邪治客當急故君大黃率
芩連用麻沸湯漬絞其汁而速驅之不使暫留也此熱淫
於內而上炎頭目者是爲正邪治之當緩故用甘草與芩

連等分同煎漫飲以漸漬之不使下行也蓋心下本虛而火實之法當并瀉其子土鬱奪之而火速降矣上焦本清而火擾之法當先培其子土得其令而火邪自退矣苓連得大黃不使其子令母實苓連得甘草又不使其母令子虛同一瀉心而其中又有攻補之不同如此

四磨湯

濟生

治七情感傷上氣喘急妨悶不食

人參

檳榔

沉香

天台烏藥

右四味各濃磨水取七分煎三五沸放溫空心服或下養正丹尤妙

王又原曰經云聖人畜氣如持至寶庸人役物而反傷太和此七情適所感皆能為病然愈於壯者之行而成於弱者之着愚者不察一遇上氣喘急滿悶不食謂是實者宜瀉輒投破耗等藥得藥非不暫快初投之而應投之久而

不應矣。夫呼出爲陽，吸入爲陰。肺陽氣旺，則清肅下行，歸於腎陰。是氣有所收攝，不復散而上逆。若正氣旣衰，邪氣必盛。縱欲削堅破滯，邪氣必不伏。方用人參補其正氣，沉香納之於腎，而後以檳榔、烏藥從而導之。所謂實必顧虛，瀉必先補也。四品氣味俱厚，磨則取其味之全，煎則取其氣之達。氣味齊到，效如桴鼓矣。其下養正丹者，煖腎藥也。本方補肺氣，養正溫腎氣，鎖攝歸根，喘急遄已矣。

升麻葛根湯

治陽明表熱下利兼治痘疹初發

升麻

葛根

芍藥

甘草

右四味水煎服

柯韻伯曰此爲陽明初病解表和裏之劑可用以散表熱亦可用以治裏虛一方而兩擅其長也夫身熱汗自出不惡寒反惡熱是陽明之本證仲景未嘗立治表之方見陽明初起汗出多而惡寒者便用桂枝湯反無汗而喘者仍用麻黃湯症同太陽而稱陽明者是陽明之自病而非太

陽轉屬也。此方不用麻桂者，恐傷肌肉之表汗太過而亡津。升麻葛根提胃脫之陽散肌肉之浮熱。芍藥甘草瀉肝膽之火以解胃府之實熱。有汗則發無汗則止。功同桂枝而已。遠於薑桂。且不須啜稀粥以助陽也。胃實爲陽明之裏症。仲景製承氣三方。然陽明初病。往往有移熱於脾而下利者。內經所謂暴注下迫。皆屬於熱也。下利正是胃實之兆。故太陽陽明合病。必自下利。仲景製葛根湯以表散之。是從陰引陽法。此方卽放其義。去薑桂之辛熱。以升麻代麻黃。便是陽明表劑。而非太陽表劑矣。葛根稟性甘涼。

可以散表實。協升麻以上升。則使清陽達上而濁陰降下。可知。芍藥收斂陰精。甘草緩急和裏。則下利自止。可知。治裏仍用表藥者。以表實下利而非裏實故也。痘疹自裏達表。出於少陰而發於太陽。初起則內外皆熱。故亦宜於涼散耳。

防風還聖散

風熱壅盛、表裏三焦皆實者、此方主之、

防風

川芎

當歸

芍藥

大黃

薄荷

麻黃

連翹

芒硝

石膏

黃芩

桔梗

滑石

甘草

荆芥

白朮

梔子

生薑

每服三錢

吳鶴皇曰、防風麻黃、解表藥也、風熱之在皮膚者、得之由汗、而泄荊芥薄荷、清上藥也、風熱之在巔頂者、得之由鼻、而泄大黃芒硝、通利藥也、風熱之在腸胃者、得之由後、而

泄滑石、梔子、水道藥也。風熱之在決瀆者，得之由溺而泄。風淫於鬲，肺胃受邪。石膏、桔梗、清肺胃也。而連翹、黃芩，又所以祛諸經之遊火。風之爲患，肝木主之。川芎、歸芍，和肝血也。而甘草、白朮，所以和胃氣而健脾。劉守真氏長於治火，此方之旨，詳且悉哉。亦治失下發斑、三焦火實，全方除硝、黃，名曰雙解散。解表有防風、麻黃、薄荷、荆芥、川芎，解裏有石膏、滑石、黃芩、梔子、連翹。復有當歸芍藥以和血，桔梗、白朮、甘草以調氣。營衛皆和，表裏俱暢，故曰雙解。本方名曰通聖，極言其用之妙耳。

藿香正氣散

治外受四時不正之氣內停飲食頭痛寒熱或霍亂吐
泄或作瘧疾

藿香

桔梗

紫蘇

白芷

厚朴

大腹皮

半夏

茯苓

陳皮

甘草

右十味加薑棗水煎熱服

吳鶴臯曰四時不正之氣由鼻而入不在表而在裏故不
用大○汗○以○解○表○但○用○芬○香○利○氣○之○品○主○之○蘇○芷○陳○腹○朴○梗○
皆○氣○勝○者○也○故○足○正○不○正○之○氣○茯○半○甘○草○則○甘○平○之○品○所○

以培養中氣者矣。若病在太陽，與此湯全無相干。傷寒脉沉發熱，與元氣本虛之人，并夾陰發熱者，宜戒。又金不換正氣散，卽平胃散加半夏、藿香。凡受山嵐瘴氣及出遠方，不服水土吐瀉下利者，主之。蓋平胃散可以平溼土而消瘴，半夏之燥以醒脾養香之芬以開胃。名曰正氣，謂能正不正之氣耳。

防風黃芪湯

治中風不能言尿沉而弱者

防風

黃芪

等分

水煎服

柯韻伯曰夫風者百病之長也邪風之至急如風雨善治者治皮毛故用防風以驅逐表邪邪之所湊其氣必虛故用黃芪以鼓舞正氣黃芪得防風其功愈大者一攻一補相須相得之義也唐柳太后中風不言許胤宗造防風黃芪湯數十斛置床下蒸之身在氣中居次日便能語是以外氣通內氣令氣行而愈也經曰五氣入鼻藏於心肺上

使耳目修明、聲音能彰、製此方者其知此義矣。夫薰蒸之
力尚能去病、況服之乎。今人治風、惟以發散爲定法、而禁
用參芪、豈知目盲不能視、口噤不能言、皆元氣不足、使然
耳。誰知補氣可以禦風、正勝而邪却之理耶。神而明之、存
乎其人信哉。

稀涎干縉湯

治風痰不下喉中聲如牽鋸咸中溼腫滿

半夏

大者十
四枚

猪牙皂角

一枚

甘草

一錢

白礬

二錢

右四味研末用生薑自然汁少許冲溫水一盞調末
一錢灌之得吐痰涎即醒

柯韻伯曰攻邪有汗吐下三法仲景於吐劑立梔豉瓜蒂
二方所以導熱邪之外出逐寒邪而外散也其有不因外
感因醇酒厚味漸漬凝結變為頑痰一旦乘虛上塞咽喉
氣不得通忽然昏仆目反直視喉中聲如牽鋸此為痰厥

先輩所云怪證多屬於痰者此也。非用峻劑以攻之頑痰不能遽退。故用生薑半夏之辛以散之。甘草之甘以湧之。白礬之澁以墜之。牙皂之勇以開之。此斬關奪門之勢。惟稟氣素實而暫虛者可用。壅塞稍疏。續進他藥。不可多用。以傷元氣。如平素虛弱者。又當攻補兼施。六君湯中加牙皂。白礬末以吐之。則庶幾矣。若誤作中風治之。去生便遠。

麥門冬湯

金匱

火逆上氣咽喉不利止逆下氣者主之

麥門冬二升

半夏二升

人參二兩

甘草二兩

杭米三合

大棗十二枚

右六味以水一斗二升煮取六升溫服一升日三夜

一服

喻嘉言曰此方治胃中津液乾枯虛火上炎治本之良法也夫用降火之藥而火反升用寒涼之藥而熱轉熾者徒知與火熱相爭而正氣不致津液不生不雜無益而反害

之矣。凡肺病有胃氣則生。無胃氣則死。胃氣者肺之母氣也。本草有知母之名者。謂肺藉其清涼。知清涼爲肺之母。也有貝母之名者。謂肺藉其豁痰。豁痰爲肺之母也。然屢施於火逆上氣咽嗑不利之證。而屢不應名。不稱矣。孰知仲景妙法。於麥冬人參甘草大棗粳米大補中氣。以生津液。津液隊中又增入半夏辛溫之味。以開胃行津而助潤肺。豈特用其利咽下氣哉。竊其利咽下氣。非半夏之功。實善用半夏之功矣。

九味羌活湯

一名中和湯

四時發散之通劑

合論一條

羌活

防風

川芎

白芷

細辛

蒼朮

黃芩

甘草

生地

加生薑三片、葱白三莖、水煎服

活人敗毒散

羌活

獨活

前胡

柴胡

川芎

枳殼

白茯苓

桔梗

人參

各二錢

甘草

五錢

右為細末，每服二錢，水一盞，入生薑三片，煎七分，溫

服，或沸湯點服。

治傷寒溫疫風溼風眩拘蹇風痰頭疼目眩四肢痛憎寒壯熱項強睛疼老人小兒皆可服煩熱口乾加黃芩
趙羽皇曰東南地土卑溼凡患感冒輒以傷寒二字混稱不知傷者正氣傷於中寒者寒邪客於外未有外感而內不傷者也仲景醫門之聖立法高出千古其言冬時嚴寒萬類深藏君子固密不傷於寒觸冒之者乃名傷寒以失於固密而然可見人之傷寒悉由元氣不固而膚腠之不密也昔人常言傷寒爲汗病則汗法其首重矣然汗之發也其出自陽其源自陰故陽氣虛則營衛不和而汗不能

作陰氣弱則津液枯涸而汁六能滋但攻其外不顧其內
可乎表汗無如敗毒散羌活湯其藥如二活二胡芎蒼辛
芷羣隊辛溫非不發散若無人參生地之大力者居乎其
中則形氣素虛者必至亡陽血虛挾熱者必至亡陰而成
痼疾矣是敗毒散之人參與沖和湯之生地人謂其補益
之法我知其託裏之法蓋補中兼發邪氣不致於流離發
中帶補真元不至於耗散此古人制方之妙也

胡天錫曰非其時而有其氣惟氣血兩虛之人受之藥者
營而風客衛不可用峻劑故稍從其輕者此羌活湯敗毒

散所由立也。九味湯主寒邪傷營。故於發表之中加芎地。引而入血。卽借以調營。用葱薑爲引。使通體汗出。庶三陽血分之邪直達而無所滯矣。敗毒散主風邪傷衛。故於發表中加參苓枳桔。引而達衛。以宣通固託。生薑爲使。使流連肺部。則上焦氣分之邪不能干矣。是方亦可用黃芩。以諸藥氣味辛溫。恐其僭亢。一以潤之。一以清之也。

神木湯

王治三時外感寒邪內傷生冷而發熱及脾泄腸風

白朮三錢

防風二錢

甘草一錢

右三味無汗用蒼朮加葱白生薑有汗用白朮生薑
柯韻伯曰此王海藏得意之方倣仲景麻桂二方之義而
製爲輕劑也然此是太陰之劑可以理脾胃之風溼而不
可治太陽之風寒亦不可以治陽明之表症與少陽之半
表裏也內經所謂春傷於風邪氣留連而洞泄至夏而殒
泄腸癖者宜之若冬傷於寒至春溫病者又非所宜也今

人不知仲景立方之旨只恐麻黃桂枝之傷人也得此平
和之劑特爲穩當不知榮衛不和非調和脾胃者所可代
胃家之實者非補虛之品所能投肝膽之相火往來少陰
之水火相射者不得以燥劑該攝也垂○或○後○學○先明藥之理始得方
之用能知方始可用方而不執方若病在太陽先發陽明
之汗是引賊破家易於豈獨爲葛根道哉

三三飲

治卒中昏不知人口眼喎斜半身不遂癱瘓厥氣厥

南星

二兩生用

川烏

去皮生用五錢

附子

去皮生用五錢

木香

二錢

右每味五錢薑水煎加入參一兩

柯韻伯曰風爲陽邪風中無寒不甚傷人惟風中挾寒害始劇矣寒輕而在表者宜發汗以逐邪寒重而入裏者非溫中補虛終不可救此取三物之大辛大熱者且不炮不製更佐以木香示其至剛至銳之氣而用之非以治風寒以治寒也然邪之所湊其氣必虛但知勇於攻邪若正氣

學方人
必不
家不
孟浪

虛而不支、能無倒戈之患乎、必用人參兩許、以駕馭其邪、
此立齋先生真知確見、立於不敗之地、而收萬全之效者、
也。若在庸手、必謂補任邪氣、而不敢用。此謹熟陰陽、毋與
衆謀、岐伯所以叮嚀致告耳。觀其每服五錢、必四服而邪
始出、今之畏事者、用烏附分數、必製熟而後敢用、更以苓
連監制之、焉能挽回如此危症哉。古今人不相及、如此
本方去烏附、卽星香散治痰厥氣厥足矣。

仙方活命飲

附薛立齋治癰通方

治一切瘡瘍未成膿者內消已成膿者即潰又止痛消
毒之聖藥也

川山甲

白芷

防風

皂角刺

乳香

沒藥

當歸尾

赤芍

花粉

貝母

陳皮

甘草

金銀花

右十三味川酒一碗煎數沸服

羅東逸曰此瘍門開手攻毒之第一方也經云營氣不從
逆於肉理故癰疽之發未有不從營氣之鬱滯因而血結
痰滯蘊崇熱毒爲患治之之法妙在通經之結行血之滯

佐之以豁痰理氣解毒是方川山甲以攻堅皂刺必達毒
所白芷防風陳皮通經理氣而疏其滯乳香定痛和血沒
藥破血散結赤芍歸尾以驅血熱而行之以破其結佐以
貝母花粉金銀花甘草一以豁痰解毒一以散毒和血其
爲潰堅止痛宜矣然是方爲營衛尚強中氣不虧者設若
脾胃素弱營衛不調則有托裏消毒散之法必須斟酌而
用見之立齋先生所論此千古不易之治也因謹附先生
治瘍用方之法於後使後學服膺云
薛立齋曰治瘍之法若腫高焮痛者先用仙方活命飲解

之後用托裏消毒散。沒腫微痛者，用托裏散。如不應，加薑
桂。若膿出而反痛，氣血虛也。八珍散不作膿，不腐潰，陽氣
虛也。四君加歸芪肉桂，不生肌，不收斂，脾氣虛也。四君加
芍藥、木香、惡寒、憎寒、陽氣虛也。十全大補加薑桂，助熱、內
熱、陰血虛也。四物加參、朮，欲嘔作嘔，胃氣虛也。六君加炮
薑、白汗、盜汗、五臟虛也。六味丸料加五味子，食少體倦，脾
氣虛也。補中益氣加茯苓、半夏，喘促咳嗽，脾肺虛也。前湯
加麥冬、五味，欲嘔少食，脾胃虛也。人參理中湯，腹痛泄瀉，
脾胃虛寒也。附子理中湯，熱渴淋秘，腎虛陰火也。加減八

味凡大凡怯弱之人不必分其瘡清惟當先補胃氣蓋瘡瘍之作緣陰陽虧損其膿既泄氣血愈虛豈有不宜補者哉或疑參芪滿中間有用者又加發散敗毒所補不償所損又或以有疾不服補劑因而致誤傷哉

附托裏消毒散

人參

黃芪

白水

茯苓

當歸

川芎

芍藥

金銀花

白芷

甘草

連翹

水煎服

參芪水苓草以益氣分歸芍芍

以滋血分銀花白芷連翹以解毒托裏散即前方加熟地去芍甘銀花白芷連翹

麻黃加水湯

治濕家自煩疼

麻黃三兩

桂枝三兩

甘草二兩

杏仁半箇

白朮四兩

右五味以水九升煮麻黃減二升去沫內諸藥煮取

二升半去滓溫服八合覆取微似汗

程扶生曰此湯為溼家表散法也身疼為溼身煩為熱加白朮於麻黃湯中一以助其去溼一以恐其過散此治溼之正法也發散方中加白朮又為潔古海藏開鬼門

桂枝加附湯

主治傷寒八九日風溼相搏身體煩疼不能轉側不嘔
不渴脉浮虛而溢者

桂枝四兩

附子三枚

甘草二兩

生薑三兩

大棗十二枚

右五味以六升水煮取二升去渣分溫三服

程扶生曰溼與風相搏流入關節身疼極重而無頭痛嘔
渴等症脉浮虛者風也溢者寒溼也風在表者散以桂枝
甘草之辛甘溼在經者逐以附子之辛熱薑棗辛甘行營
衛通津液以和表蓋陽虛則溼不行溫經助陽散溼多藉
附子之大力也

木防已湯

四十一

論一修

木防已

三兩

石膏

用雞子大十二枚

桂枝

三兩

人參

四兩

右四味以水六升煮取二升分溫再服

木防去石膏加茯苓芒硝湯

木防已

桂枝

各二兩

人參

四兩

芒硝

三兩

茯苓

四兩

右五味以水六升煮取三升去滓後內芒硝再微煎

分溫再服微利則愈

葶藶大棗瀉肺湯

本方治肺癰喘不得卧并治支飲不得息

葶藶

熟令黃色搗如彈子大

大麥

十二枚

右二味以水三升煮麥取二升半葶藶升頭服
防已椒目葶藶大黃丸

治腹滿口舌乾燥此腸門有水氣

防已

椒目

葶藶

大黃

各二兩

右為末蜜丸如桐子大先食飲服下丸日三服稍增

口中有津液渴者加芒硝半兩

喻嘉言曰四方皆治支飲上入膈中而有淺深次第之分
首一方先治其肺中一方額治其肺後一方端治肺氣所

傳之府。蓋支飲上入於膈。逼近心肺。與痰腎邪。本文云。其人喘滿。心下痞堅。面色黧黑。其脈沉緊。何之數十日。醫吐下之不愈。未防已湯主之。虛者卽愈。實者三日復發。復與不愈者。去石膏加芒硝。茯苓。蓋以支飲上入阻其氣。則逆於肺間。而爲喘滿阻。其血則雜。據心下。而爲痞堅。腎氣上應。其色黑。血凝之色亦黑。故黧黑見於面部。然且姑緩心腎之治。先治其肺。肺之氣行。則飲不能逆。而俱解矣。未防已味辛溫。能散而飲結氣。又主肺喘滿。石膏辛甘微寒。主心下逆氣。清肺定喘。人參甘溫。治喘消癰。飲補心肺不足。

桂枝辛熱通血脈開結氣宣導諸藥在氣分服之卽愈若
飲在血分深連下焦必愈而復發故去石膏氣分之藥加
芒硝入陰分開痰結消血癖合之茯苓去心下堅且伐腎
邪也葶藶大棗湯大瀉其肺氣亦以氣停故液聚耳防已
椒目葶藶大黃丸治腹滿口舌乾燥腸間有水氣之症乃
肺氣膾鬱於上以致水飲不行於下而燥熱之甚用此丸
急通水道以救金氣之膾鬱不治上而治其下故用丸劑
也 羅東逸曰此三方金匱衍義趙以德註之已詳而
喻嘉言合而註之青出於藍故棄趙而取喻耳

大黃附子湯

論二條

主治脇下偏痛發熱其脉緊弦此寒也以溫藥下之

大黃二兩

附子二枚

炮

細辛二兩

右三味以水五升煮取二升分溫三服若強人取二升半分三服服後如人行四五里再進

喻嘉言曰仲景治傷寒熱邪痞聚心下而挾陽虛陰盛之症用附子瀉心湯之治矣其雜症脇下偏痛發熱為陽其脉弦緊為陰寒上逆者復立此溫藥下之一法然仲景諄諄傳心後世領略者鮮全賈又別出一條云其脉數而緊

乃弦狀如弓弦按之不移數脉弦者當下其寒脉緊而遲者必心下堅脉大而緊者陽中有陰可下之讀者罔識其指詎知皆以溫藥下之之法耶其口當下其寒曰陽中有陰試一提出其金鍼不躍然乎

張路玉曰三承氣湯爲寒下之柔劑白散備急丸爲熱下之剛劑附子瀉心湯大黃附子湯爲寒熱互結剛柔並濟之和劑近世但知寒下一途絕不知有溫下一法蓋暴感之熱結可以寒下久積之寒結亦可寒下乎是以備急無法所由設也然此僅可治寒實之結設其人稟質素虛雖

發明得
妙

有實邪固結敢用剛猛峻劑攻擊之乎故仲景又立附子
瀉心湯用芩連佐大黃以祛鬲上之熱痞卽兼附子之溫
以散之大黃附子湯用細辛佐附子以攻脇下寒結卽兼
大黃之寒導而下之此聖法昭然不可思議者也

續命湯

金匱

治風痺身體不能自收口不能言冒昧不知痛處或拘不得轉側

麻黃

桂枝

石膏

乾薑

杏仁

昇叔

川芎

當歸

人參

甘草

各三兩

右九味以水一斗煮取四升溫服一升當小汗薄覆脊憑几坐汗出則愈不汗更服無所禁勿當風并治脉伏不得卧欬逆上氣面目浮腫

趙以德曰痺病者榮衛氣血不養於內外故身體不用機

疏明
用方者
誤擇無

關不利精神不治然是症有虛有實虛者自飲食房勞七
情得之如內經所謂內奪而厥則爲瘖痹之類是也實者
自風寒暑溼感之虛者不可以實治治之則愈散其氣血
今此方明言其中風痺其榮衛之屬實邪者也故用續命
續命乃麻黃湯之變者加乾薑開血受寒痺石膏解肌受
風痺當歸和血人參益氣川芎行血散風也其并治咳逆
上氣面浮亦爲風寒而致之也

栝蒌桂枝湯

治太陽症、備身體強、凡凡然、脉反沉遲、此爲瘕、此湯主之、

栝蒌根

二兩

桂枝

二兩

芍藥

二兩

甘草

二兩

生薑

三兩

大棗

十二枚

右六味以水九升煮取三升分溫三服取微汗汗不出食頃須啜熱粥發之

喻嘉言曰傷寒方中治項背凡凡用桂枝加葛根湯矣彼之汗出惡風其邪在表而此之太陽症罔不具備其邪之

亦在於表可知也。但以脉之沉遲。知其表之邪爲內。溼所持而不解。卽係溼熱二邪交合。不當從風寒之表法起見。故不用葛根之發汗解肌。改用括藁之味苦入陰。擅生津。徹熱之長者爲君。合之桂枝和營衛養筋脉而治其瘕。乃變表法爲和法也。然旣以括藁根當增之。桂枝爲臣當減。

前人方加減
有深心
明眼喻
議二味
明妙錄
之

越婢加半夏湯

合論二條

治欬而上氣此為肺脹其人喘目如脫狀脉浮大者

麻黃二兩

石膏半斤

半斤

生薑二兩

二兩

大棗十枚

十枚

甘草二兩

二兩

半夏半斤

半斤

半斤

右六味以水六升先煮麻黃去沫內藥取三升

分溫三服

小青龍加石膏湯

治肺脹咳而上氣煩躁而喘脉浮者心下水

麻黃

桂枝

細辛

芍藥

甘草

各三兩

五味子半斤

半斤

乾薑

三兩

半夏

半斤

半斤

石膏

三兩

三兩

右九味以水一斗煮麻黃去沫內諸藥取三升強火

服一升羸者減之。日三服。小兒服四合。

喻嘉言曰：前一方麻黃湯中以杏仁易石膏而加薑棗則發散之力微而且緩。後一方中以證兼煩躁宜發其汗。麻桂藥中加入石膏芍藥五味子其勢下趨亦不至過汗也。越婢方中有石膏無半夏。小青龍方中有半夏無石膏。觀二方所加之意。全重石膏半夏二物協力建功。石膏清熱。蓄辛熱亦能豁痰。半夏豁痰藉辛涼亦能清熱。前麥冬湯方中下氣止逆全藉半夏入生津藥中。此二方又藉半夏入清熱藥中。仲景加減成方無非化裁後學矣。

桂枝湯

治風寒在表脉浮弱自汗出頭痛發熱惡風惡寒鼻鳴
乾嘔等證雜證自汗盜汗虛癰虛痢最宜若脉浮緊汗
不出者禁用酒客病風寒而汗出者亦不可與之

桂枝

芍藥

生薑

各二兩

甘草

炙二兩

大棗

十二枚

右五味以水七升煮取三升服一升覆令微汗不可
令如水流滴病必不除若服一升汗出病痊不必盡
劑服已更啜稀粥一盞以助藥力

柯韻伯曰此方爲仲景羣方之冠乃滋陰和陽解肌發汗

桂枝湯
盡

發汗藥
妙義無
人能到

調和榮衛之第一方也。凡中風傷寒雜症，脈浮弱，汗自出而表不解者，咸得而主之。其他但見一二證，卽是不必悉具矣。桂枝赤色通心，溫能散寒，甘能益氣生血，辛能發散外邪。內輔君主發陽氣，而爲汗故。麻葛青龍凡發汗劑咸用之。惟桂枝湯可不用麻黃，而麻黃湯不可無桂枝也。本方皆辛甘發散，惟芍藥之酸寒益陰斂血，內和營氣，故能止汗。先輩言無汗不得用桂枝者，正以中有芍藥能止汗也。芍藥之功在於止煩，煩止汗亦止，故反煩更煩與心悸而煩者，咸賴之。若倍加芍藥，卽建中之劑，而非復發汗之

此明不
用桂枝
之故

劑矣。是劑也。用桂枝發汗。芍藥止汗。生薑之辛佐桂枝以
解肌。大棗之甘佐芍藥以和裏。桂芍之相須。薑棗之相得。
陽表陰裏並行而不悖。是剛柔相劑以爲和也。甘草甘平
有安內攘外之能。用以調和氣血者。卽以調和表裏。且以
調和諸藥矣。而精義又在啜稀熱粥以助藥力。蓋穀氣內
充則邪不復入而啜粥以繼藥之後。則餘邪不復留。複方
之妙用又如此。要知此方專治表虛。能解肌以發營中之
汗。而不能開皮毛之竅。以出衛分之邪。故汗不出者是麻
黃證。脈浮緊者是麻黃脈。卽不得與桂枝湯矣。然初起無

註明必
用桂枝
之故

汗當用麻黃發汗如汗解後復煩卽脉浮數者不得更與
麻黃而用桂枝如下後脉仍浮氣上冲與下利止而身痛
不休者皆用此解外何故蓋此時表雖不解腠理已疎邪
不在皮毛而在肌肉故詠證雖同麻黃而主治當屬桂枝
也粗工妄謂桂枝湯專治中風不治傷寒使人疑而不用
不知此湯以治自汗盜汗虛癰虛痢隨手而愈因知仲景
方可通治百病後人遇一症便集百方以眩人使人無下
手處豈不陋哉

麻黃湯

太陽風寒在表頭項強痛發熱身疼腰痛骨節痛惡風寒無汗胸滿而喘其脈浮緊或浮數者用此發汗如若脈浮而弱汗自出或尺中脈微與遲者俱不可用風寒溼成痺冷風痺是宜

麻黃

三兩去節

桂枝

三兩

甘草

二兩炙

杏仁

七十枚去皮尖

右四味以水九升先煮麻黃減二升去上沫內諸藥煮取二升半去滓溫服八合取微似汗不須啜第一服汗出後服汗出多者溫粉撲之恐汗多亡陽也

柯韻伯曰此藥開表透邪發汗之峻劑也麻黃中空外直
宛如毛竅骨節之風寒悉從毛竅而出爲衛分
發散風寒之第一品桂枝支條縱橫宛如經別孫絡能入
心化液通經絡而出汗爲營分解散風寒之第一品杏仁
爲心果溫能助心散寒苦能入心下氣爲逐邪定喘之第一
品甘草甘平外拒風寒內和氣血爲安內攘外之第一
品飲入於胃行氣於五臟輸精於皮毛斯毛脉合精而溱
溱汗出在表之邪得盡去而不再痛止喘平寒熱煩解不
須緩粥而藉汗於穀也其不用薑棗者以生薑之性橫散

於肌礙麻黃之汎升大棗之氣泥滯于肌礙杏仁之速降
此欲急於直達稍緩則不汎橫散則不峻矣然此爲純陽
之劑過於發散如單刀直入之用此却當一戰成功不
去則不戢而召禍故可一不可再如汗後不解便當以桂
枝湯代之若猶流連于皮毛又有桂麻各半麻黃一桂枝
二之妙用若陽盛于內而無汗者又有麻黃杏仁甘草石
膏湯此仲景用之心法也

葛根湯

合論二條

主治頭項強痛、背亦強、牽引几几然、脉浮、無汗、惡風、并治風寒在表而自下利。

葛根二兩

麻黃二兩

桂枝二兩

生薑三兩

芍藥二兩

甘草二兩

大棗十五枚

右七味以水一斗先煮麻黃葛根減二升去沫內諸藥同煎分溫三服。

柯韻伯曰此證身不疼、腰不痛、骨節不疼、不惡寒、是骨不受寒矣、頭項強痛下連於背、牽動不寧、是筋傷於風矣、不

喘不煩躁不乾嘔。是無內症。無汗而惡風。病只在表。若表病而兼下利。是表實裏虛矣。此麻黃青龍二症較輕。然凡几更甚於項強而無汗。不失爲表實。但脉浮不緊。是中於鼓動之陽風。故於桂枝方加麻黃。倍葛根。以去實。小變麻桂之法也。葛根味甘氣涼。能起陰氣而作汗。開腠理而解表。故以爲君。寒熱俱輕。桂芍俱減。麻黃助桂薑以開表。大棗助甘草以調內。故用以治表實而表邪自解。不必治裏虛而下利自瘳。與大青龍治表裏俱實者。徑庭矣。蓋葛根稟氣輕清。而賦體厚重。輕以去實。重以鎮動。厚以固裏。惟

表實裏虛者宜之胃家實者非所宜也故仲景於陽明經中不用葛根東垣定爲陽明經藥易老云未入陽明者不可便服豈二老未讀仲景書乎要知葛根桂枝俱是解肌和裏之劑故有汗無汗下利不下利俱可用與麻黃之專於發表者不同耳

金匱治太陽病無汗小便反少氣上冲胸口噤不得語欲作剛瘕

喻嘉言曰傷寒項背几几無汗惡風者用葛根湯此症亦用之者以其邪在太陽陽明兩經之界兩經之熱并於胸

中必傷肺金清肅之氣。故水道不行。而小便少。津液不布。而無汗。陽明之筋內結。胃口外行。胸中過人。迎環口熱。并陽明斯筋。脈牽引口。禁不得語。然剛瘕無汗。必從汗解。況溼邪內鬱。必以汗出如故而止。故用此湯合解兩經之溼。熱與風寒之表。法無害其同也。

大青龍湯

治痛項強痛、脉浮緊、發熱惡寒、身疼痛、不汗出而煩躁、無少陰症者、用此發汗清火、若脉浮弱、自汗出者、不可服、服之必厥逆、筋惕肉振也。

麻黃 六兩

桂枝 三兩

甘草 二兩

杏仁 四十枚

生薑 三兩

大棗

十枚

石膏

如雞子大一枚

右七味水煎服如麻黃湯法

柯韻伯曰、此麻黃症之劇者、故於麻黃湯加味以治之也。諸症全是麻黃而喘與煩躁有別、喘者是寒鬱其氣升降

不得自如。故多用杏仁之苦以泄氣。煩躁者是熱傷其氣。無津不能作汗。故特加石膏之甘以生津。然其性沉而大寒。恐內熱頓除。而表邪不解。變爲寒中。而協熱下利。故必倍麻黃以發表。又倍甘草以和中。更用薑棗以調營衛。一汗而表裏雙解。風熱兩除。此清內攘外之功。所以佐麻桂二方之不及也。少陰亦有發熱惡寒。無汗煩躁之症。與大青龍同。但脉不浮。頭不痛。爲辨。法當溫補。及脉浮弱自汗者。是桂枝症。反與麻黃石膏。則真陽立亡矣。胃氣不至於四肢。故手足厥冷。太陽不周於一身。故筋惕肉瞤。仲景

所深戒也。必細審其所不可用。然後不失其所當用。不要
知麻黃症熱全在表。桂枝症之自汗。天青龍之煩躁皆兼
裏熱。仲景於表劑中。便加寒藥。以清裏汗。是煩之兆。躁
是煩之徵。汗出則煩得泄。故不躁。宜微寒酸苦之味。以和
之。汗不出則煩不得泄。故躁。宜大寒堅重之品。以清之。芍
與膏本是裏藥。今人見仲景入表劑中。因疑而畏之。當用
不用。以至熱結陽明而斑黃狂亂紛出矣。仲景於太陽經
中。卽用石膏以清胃火。是預保陽明之先著。加薑棗以培
中氣。又慮夫轉屬太陰。苦心良法。有如此者。

小青龍湯

治傷寒表不解心下水氣乾嘔發熱而欬或渴或利或噎或小便不利少腹滿或喘者及雜病膚脹水腫證用此發汗而利水

桂枝

芍藥

甘草

麻黃

細辛

乾薑

各三兩

半夏

五味子

各半升

右八味先煮麻黃去沫內諸藥煮取三升溫服一升

○若渴去半夏加栝蒌根三兩○若微利去麻黃加

芫花○若噎者去麻黃加附子○若小便不利少腹

滿者去麻黃加茯苓四兩。若喘者去麻黃加杏仁半升。

柯韻伯曰：寒熱不解而咳，知內有水氣射肺。乾嘔知水氣未入於胃而在心下也。心下爲火位，水火相射則水氣之變幻不可拘。如下而不上，則或渴或利；上而不下，則或噎或喘。阻於腸胃，則小便不利而少腹因滿矣。惟發熱而欬，爲定證。故於桂枝方去大棗之泥，加麻黃以開腠理，細辛逐水氣，半夏除嘔，五味乾薑以除咳。若渴者是心火盛，故去半夏之燥熱，加括蕓根以生津。若微利與噎，小便不利

與喘者病機偏於向裏故去麻黃之發表加附子以除噎
芡花茯苓以利水杏仁以定喘耳兩青龍俱治有表裏證
者用兩解法大青龍是裏熱明眼小青龍是裏寒故發表之藥
相同而治裏之藥則殊也此與五苓同爲治表不解而心
下有水氣在五苓治水畜而不行故大利其水而微發其
汗是水鬱折之也本方治水之動而不居妙諦故備舉辛溫以
散水並用酸苦以安肺培其化源也細譯仲景發表利水
諸法精義入神矣

趙以德曰溢飲之證金匱云當發其汗小青龍湯治之益

水○飲○溢○出○於○表○營○衛○盡○爲○之○不○利○必○做○傷○寒○營○衛○兩○傷○之○
法○發○汗○以○散○其○水○而○後○營○衛○行○經○脉○通○則○四○肢○之○水○亦○消○
必○以○小○青○龍○爲○第○一○義○也○

桂枝人參葛根黃芩黃連二湯

太陽外證未解而數下之遂協熱而利利下不止表裏不解脉微弱心下痞鞭者桂枝人參湯主之桂枝證醫反下之利遂不止其脉促喘而汗出者葛根黃連黃芩湯主之

桂枝

甘草

各四兩

人參

白朮

乾薑

各三兩

水九升先煮四味取五升內桂更煮三升日再服夜

一服

葛根

黃連

黃芩

各三兩

甘草

炙二兩

水八升先煮葛根減二升內諸藥煮二升分溫再服
柯韻伯曰外熱不除是表不解下利不止是裏不解病因
則同一以微弱之脉而心下痞鞭是脉不足而證有餘一
以脉促而喘反汗自出是脉有餘而證不足表裏虛實當
從脉而辨證矣弱脉見於數下後則痞鞭爲虛文用理中
之辛甘溫補止利消痞鞭又加桂枝以解表先煎四味後
內桂枝和中之力饒而解肌之氣銳是於兩解中寓權宜
法桂枝枝證脉本緩誤下後而反促陽氣重可知邪束於
表陽擾於內故喘而汗出利遂不止者是暴注下迫屬於

熱也。故君氣輕質重之葛根以解肌而止利。佐苦寒清肅之芩連以止汗而除喘。又加甘草以和中。先煮葛根後內諸藥解肌之力緩而清中之氣銳。又與補中逐邪者殊法矣。上條脉證是陽虛雖協熱於外而裏則虛寒下條脉證是陽盛雖下利不止而表裏俱實同一協熱利同是表裏不解而寒熱虛實攻補不同。前方理中加桂枝而冠桂枝於人參之上。後方瀉心加葛根而冠葛根於芩連之首。不名理中瀉心者總爲表未解故耳。補中亦能解表涼中亦能散表補中亦能散痞涼中亦能止利。仲景製兩解方。

神化如此